

共同經課 - 1 使徒行傳十一章一節~十八節

1 使徒及悒仔猶太的兄弟聽外邦人亦受上帝的道理。2 到彼得上耶路撒冷的時，許個奉割禮的人及伊爭辯講：3 「你曾入去就近無受割禮的人及in相及食。」4 若是彼得照次序對in排列講：5 「我仔約帕城祈禱，神魂遊仔象外的時，看見異象，有一個器具，親像大幅布，縛四個角頭，對天墜落，到我的面前。6 我注目看，詳細想伊，看見有地上四腳的精牲，野獸、蟲，及天中的飛鳥。7 閣聽見有聲給我講：『彼得，起來，剖來食！』8 我講：『主啊，斷斷毋通，因為凡若粗俗的物抑是無清氣的攏未曾入我的嘴。』9 若是聲第二擺，對天應講：『上帝所互伊清氣的，你莫得掠做粗俗。』10 親像按呢三擺，逐項物就閣收上天。11 忽然，有三人對該撒利亞差來就近我的，抵抵倚仔阮所悒的厝外。12 聖神給我講著及in去，莫得分別。閣有此六個兄弟及我去，阮攏入彼人的厝。13 伊就給阮講，按怎樣曾看見一個天使倚仔伊的厝，對伊講：『著差人到約帕，請西門稱做彼得的來，14 伊欲用話給你講，你及你全家對諸個話欲得著救。』15 我抵抵啲講的時，聖神降臨仔in，親像起頭仔咱一樣。16 我就記得主的話講：『約翰是用水行洗禮，獨獨恁欲仔聖神受洗。』17 今上帝既然用此個恩賜互in，親像仔咱信主耶穌基督的時所互咱的一樣；我是是誰，會阻擋上帝啊？」18 許個人聽這話，就靜靜，亦歸榮光上帝，講：「按呢生，是上帝亦互外邦人反悔，來得著活命。」

共同經課 - 2 詩篇一百四十八篇

1 恁著謳啲耶和華！對天頂謳啲耶和華，仔高的所在謳啲伊！2 伊的眾使者啊，恁著謳啲伊！伊的眾天軍啊，恁著謳啲伊！3 日及月啊，恁著謳啲伊！發光的星辰啊，恁攏著謳啲伊！4 天頂的天及天以上的水啊，恁攏著謳啲伊！5 諸個攏著謳啲耶和華的名！因為伊一下命令就攏受創造。6 伊將諸個建立，到永永遠遠；伊有定例，袂會廢無。7 對地上著謳啲耶和華，就是大魚及一切的深淵，8 火及冰雹，雪及雲霧，趁伊的話的狂風，9 大山及一切的小山，結果子的樹及一切的柏香樹，10 野獸及一切的精牲，蟲及飛鳥，11 世上的君王及萬民，貴族及世上一切的審判官，12 少年人及在室女，老人及囡仔，13 諸個攏著謳啲耶和華的名！因為只有伊的名受尊做高；伊的榮光搬(pôa<sup>n</sup>)過天地。14 伊興起伊的百姓的角，互伊聖的百姓攏謳啲伊，就是以色列人，親近主彼個百姓，恁著謳啲耶和華！

共同經課 - 3 啟示錄二十一章一節~六節

1 我閣看見有新的天新的地；因為前的天前的地已經過去，海也無閣有。2 閣看見聖城就是新的耶路撒冷，出仔天，對上帝降落，已經備辦便，親像新娘妝飾來聽候伊的丈夫。3 閣聽見大聲對座位出講：「上帝的會幕仔人的中間。上帝欲及in相及倚起，in欲做伊的百姓。上帝本身欲及in仔啲，來做in的上帝。4 閣欲給in的目調拭去攏總的目屎；無欲閣有死失，也無欲閣有哀傷、喉叫、痛疼，前的代誌已經過去。」5 坐仔座位的講：「我換新萬物！」閣講：「你著寫伊；因為諸個話是通信，是真實。」6 閣給我講：「已經成啦！我就是阿利法及奧美加；是起頭的，及路尾的。我欲對活命的水泉白白互嘴乾的人飲。」

共同經課 - 4 約翰福音十三章三十一節~三十五節

31 已經出去，耶穌講：「今人子得著榮光，上帝亦仔伊得著榮光。32 閣上帝欲仔本身榮光人子，亦欲連鞭榮光伊。33 細子啊，我猶有雲仔久及恁仔啲；恁欲尋我，我所去的所在恁袂會到。我曾給猶太人講，今亦按呢給恁講。34 我用新的誠命互恁，就是恁著相疼；親像我曾疼恁，恁亦著按呢相疼。35 恁若相疼，眾人欲對按呢知恁是我的學生。」